

Daengngoenz Dax-goeng Riu Lo

太阳公公笑了

Duzdouq iq byaij ok douranz, daeuj-daengz ndaw ndoeng guhcaemz. De byaij ha byaij ha, sawqmw h doek fwn hung hwnjdaej, duzdouq iq guhmuengz ra le duj raet hunghung he dangguh aen liengj gang hwnjdaej.

Duzdouq iq gang aen liengj dauqranz, youq gwnz roen bungz daengz duzrwi iq, duz-mbungqmbaj iq caeuq

duzmoed iq. Gyoengqde caez doengzsing naeuz: "Duzdouq iq simndei, mwngz ciq aen liengj raet hawj dou ndojndoj fwn ndaej lwi?" Duzdouq iq naemj, gyoengqde baenzneix iq, rwed fwn hung baenzneix haengjdingh miz yungyiemi. "Haeujdaej ha! Gyoengqsou youq gizneix ndoj fwn ndaej!" Duzdouq iq yiedcingz daih gyoengqde, caemhcaiq aeu dingz lai aen liengj nyiengh hawj gyoengqde, bonjfaenh cix deng fwn rwed lo. "Gyo' mbaiq mwngz, duzdouq iq!"

Dauq daengz ranz seiz, fwn ngamqngamq dingz, duzdouq iq doq saenzdedded doq haetawi. De aeu buhvaq deng rwed dumzdwddwd haenx duet roengzdaej, vuenh hwnj buhvaq hawq.

Daengngoenz daxgoeng youq ndaw fwj yawjraen le doenghgij neix, couh daj ndaw fwj okdaej, coh duzdouq iq yaengx lwgfwngzmeh naeuz: "Mwngz caen dwg duzdouq iq simndei gyaenz bang vunz ndeu, gou daej bang mwngz dawz buhvaq dak hawq ba!" "Gyo' mbaiq mwngz haenndei, neix dwg gou wnggai guh!" Duzdouq iq angqyangz naeuz.

(bouxraiz Vuz Cinyenz bouxhoiz Dahdingz)



Bonjsaeh Byawz Ak

谁的本领大

Ngoenz ndeu, duzlingz caeuq duzmeizvahluz caez youq yaeng-lwnh gienh saeh ndeu, gienh saeh neix couhdwg, dauqdaej bonjsaeh byawz ak. Duzlingz gip naeuz: "Bonjsaeh gou ak, gofaex baenzneix sang gou hix bin hwnj ndaej." Duzmeizvahluz hix mbouj nyienh fug saw naeuz: "Mbouj dwg, bonjsaeh gou ak, aenvih gou rox diuqgyae." Duzlingz youh cam: "Mwngz rox bin faex lwi?" Duzmeizvahluz hix gaen naeuz: "Mwngz rox diuqgyae lwi?".....

Duzlingz naemj ok le aen banhfap ndeu, naeuz: "Gag naeuz bonjfaenh ak mbouj miz yungh, raeuz caez bae camcam duzciengh, de naeuz bonjsaeh byawz ak byawz couh ak." "Ndei." Duzmeizvahluz naeuz. Gyoengqde ra daengz le duzciengh, duzciengh yungh aen ndaeng ceij le ceij go faexmak doiq hamq diuz dah iq naeuz: "Gyoengqsou byawz mbaet mak ndaej gonq bonjsaeh byawz ak." Duzlingz caeuq duzmeizvahluz

dingq le couh caez naemj banhfap, duzlingz naemj, "gou dauq rox bin faex, hoeng baenzlawz gvaq dah ne?" duzmeizvahluz hix naemj, "couhcinj gouq diuq gvaq dah le, gofaex baenzneix sang, hoz gou baenzlawz raez hix iet mbouj daengz ha." Gyoengqde naemj le hauilai nanz, caez naeuz: "Mboujyawx song raeuz doxgap ba." Gangj dwk duzlingz diuq hwnj laeng duzmeizvahluz bae, duzmeizvahluz yat diuq gvaq dah le, duzlingz riengjvaiq bin hwnj go faexmak bae mbaet le hauilai mak, youh gwih hwnj laeng duzmeizvahluz dauqma doiq hamq dah. Aeu mak gyau hawj duzciengh, duzciengh naeuz: "Gyoengqsou yawj, neix mbouj dwg gig baenz ma? Coglaeng gyoengqsou aeu geiqmaenh, doxgiet rengz hung!" Gangj dwk, duzlingz caeuq duzmeizvahluz cungj ngaem gyaeuj roengzdaej lo.

(bouxraiz Yiz Saigyangz bouxhoiz Dahdingz)

Guekvuengz nyinhnaeuz bouxboux vunz cungj deng aeueiq de, de mbouj hawj saek boux vunz fanjdingj de. De dwg boux guekvuengz dogcaiz cienceiq ndeu, hoeng goj dwg boux vunzndei ndeu, de roengz minghlingh cungj habcingz hableix.

De ciengzseiz naeuz: "Dangh-naeuz gou minghlingh boux cienghginh ndeu bienqbaenz duz roeghaij ndeu, cienggun mbouj fugcoengz nauq, nyaenx, cix mbouj dwg de loek nauq, dwg gou loek bae go."

"Hoiq naengh roengzdaej ndaej lwi?" Lwgvuengziq mbeinou dwk naeuz.

"Gou minghlingh mwngz naengh roengzdaej." Guekvuengz han naeuz, liux cix vifung dwk doenqdoenq geu buhbauzraez de. Hoeng Lwgvuengziq cix ngeix naeuz: "Aen singgiuz neix iq baenzneix, boux guekvuengz neix guenj gijmaz ne?"

Lwgvuengziq doiq guekvuengz naeuz: "Guekvuengz ha, hoiq cam caeuj yiengh saeh he ndaej lwi?"

Guekvuengz cix haen sing naeuz: "Gou minghlingh mwngz cam."

"Guekvuengz ha, caeuj guenj gijmaz ne?"

"Gijmaz cungj guenj liuxliux bae!" Guekvuengz ndaenggon han naeuz.

"Guenj liuxliux bae?"

Guekvuengz fwngz vix coh singgiuz bouxrei, singgiuz wnq caeuq ndaundeiq.

Lwgvuengziq

小王子

bouxraiz Swng' aihgwzsuhbeilij bouxhoiz Luz Fwncangz

圣埃克苏佩里 著 卢奋长 译

Lwgvuengziq naeuz: "Guenj doenghgij neix liuxliux bae ga?"

Guekvuengz han naeuz: "Wgo! Guenj doenghgij neix liuxliux bae bw!"

Laxlawz de mbouj gag dwg guekvuengz ndwi, de lij dwg bouxcawj daengx lajmbwn dem bw.

"Nyaenx ndaundeiq cungj fugcoengz caeuj ga?" Lwgvuengziq cam naeuz.

"Dwg vei!" Guekvuengz naeuz, "Gou heuh gyoengqde guh gijmaz gyoengqde coj deng guh gijmaz dahraix, mbouj gamj mbouj guh!"

Doenghgij gienzlig neix hawj Lwgvuengziq doeksaet dangqmaz. Langhnaeuz de miz gij gienzlig neix, de cix ngoenzngoenz ndaej yawj daengngoenz doekcong h mbouj gag

seiqcib seiq baez ndwi, yaek yawj caetib ngeih baez, bak baez roxnaeuz song bak baez cungj ndaej lo, goj mbouj hoj doenq daengqei nauq. De nawh daengz de vit aen singgiuziq ndanggaeuq gag boux vunz ndeu ok rog daej, ndaw caw cix doeknaiq raixcaix, yienghneix de cix mbeifag ngaeuq naeuz:

"Hoiq yaek yawj daengngoenz doekcong cingj caeuj coengh hoiq minghlingh daengngoenz doekcong....."

"Caznaeuz gou minghlingh cienggun bienqbaenz duzmbaj youq ndaw byoz dujva mbin bae mbin dauq, roxnaeuz heuh de raiz heiqsiliengz, roxnaeuz heuh de bienqbaenz duzroeghaij, hoeng boux cienggun neix

mbouj yienghde guh nauq, mwngz naeuz dwg de loeng le roxnaeuz dwg gou loeng ne?" Guekvuengz cam naeuz.

"Dwg caeuj loeng go!" Lwgvuengziq han naeuz.

"Wgo! Deng lo! Raeuz heuh fwz guh gijmaz wngdang hawj gyoengqde guh ndaej baenz." Guekvuengz laebdaeb naeuz dem, "Diuzgienh hableix vunz lai cingq fug. Caznaeuz mwngz minghlingh lwgminz bae giengh dah, yienghneix gyoengqde coj doxcomz hwnjdaej fanjdingj dahraix. Minghlingh gou habcingz hableix, gou miz gienzlig hawj fwz fugcoengz gou."

"Yienghneix hoiq ndaej yawjraen daengngoenz doekcong h lwi?" Lwgvuengziq gyoeksingj naeuz. Aenvih Lwgvuengziq gijmaz cungj yaek cam goek haemq rag.

"Ndaej go! Gou bae minghlingh daengngoenz doekcong. Hoeng ciuq gij fuengsik gou guenj biengz de ne, gou deng caj daengz seiz habngamj gonq cingq ndaej roengz minghlingh."

"Nyaenx caj daengz seizlawz ne?" Lwgvuengziq cam naeuz.

"W! W!" Mwh doekgonq guekvuengz han, de bienj bonj sawlig nanupnup ndeu. "W! W! Caj daengz..... daengz..... haemhneix caet diemj seiqcib hauhneix, gou cix minghlingh daengngoenz doekcong, daengz seizde mwngz cix ndaej raen daengngoenz doekcong lo."